

ПАЙШАНБА КУНЛАРИ ЧИҚАДИ

• ЎЗБЕКИСТОН РЕСПУБЛИКАСИ БОЛАЛАР ЖАМГАРМАСИ ҲАФТАЛИГИ •

• Баҳоси эркин нарҳда •



АССАЛОМ, ФУТБОЛ!

27 мартда футбол бўйича Ўзбекистон
3-чемпионати бошланди.

Шу кун:

Нукусда

“Орол” — “Нефтчи” (Фарғона).

Бухорода

“Нурафшон” — “Наврўз” (Андижон).

Тошкентда

“Пахтакор” — “Сурхон” (Термиз).

Тошкент вилоятида

“Политотдел” — “Сўғдиёна” (Жиззах)

Наманганда

“Навбахор” — МҲСК (Тошкент).

Марғилонда

“Атласчи” — “Янгир” (Янгир).

Гулистонда

“Гулистон” — “Трактор” (Тошкент).


Қўқонда

“Темирйўлчи” — “Чирчиқ” (Чирчиқ)

командалари бир-бирига қарши майдонга
тушадилар.

АЗИЗ ВА МУҲТАРАМ ИШҚИБОЗЛАР!
“Оила ва жамият” ҳаммагизни 27 март
катта футбол байрами муносабати
билан табриклайди.

(Футбол — 94 ҳақидаги материалларни
7-саҳифада ўқийсиз).



“ТЕМУР” “МИ ЁКИ” “ТЕМИР”?

“Темир” деган соф туркий исми бизнинг бор. Биласиз, кўп номларимиз болаларимизга муайян ирим билан қўйилади. “Темир” исми ҳам шундай. Олдинги боласи вафот этган ёки туғилган фарзандлари кўп нобуд бўлаётган оила чақалоққа “Темир” деб исм қўяди. Бу от ҳатто “Темирой” тарзида қизларга ҳам қўйилади. Бу номни қўйишдан мақсад — Оллоҳдан болани темирдек мустаҳкам қилишини илтижо этиши.

Мантиқан ўзбекининг буюк ўғлони — жаҳонгир Амир Темир Кўрагоннинг исми ҳам ана шундай ирим билан қўйилган. Лекин нега энди бошқа барча “Темир”ларни “Темир деймиз-у, Амир Темирни Темур деб ёзамиз ва айтаміз?

Амир Темир ҳақида форсий тилда кўп китоблар ёзилган. Форсийлар ўз талаффузларига мослаб “Темир” номини “Темур” деб битдилар. Биз ҳам ана шу форсий қитобларга эргашиб, соҳибқиронни “Темир” деб ёза бошладик. Бу, аслида, хато.

Профессор Абдуқодир Ҳайитметов бир суҳбатда айтганларидек, бу хатони тузатиб, соҳибқироннинг муборак номини “Амир Темир” деб ёзишимиз ва айтишимиз керак. Буни лоақал, тўла лотин ёзувиге ўтилганда амалга ошириш лозим. Шунда “Темир” сўзида “Амир” сўзига оҳангдошлик ҳам яққол юзага чиқади.

Султонмурод ОЛИМ



Хўроққанднинг мазасини биздан сўранг!

В. Тўраев сурати

БИЗНИ СИЙЛАГАННИ ХУДО СИЙЛАСИН

“Тўғриси айтсам жуда ҳаяжонданман. Одамларга қандай қилиб шодлигим, миннатдорлигини изҳор этишга ҳам ҳайронман. Кеча маҳалламиз ақли бизни Рамазон ҳайити ва Наврўз байрами билан қутлашиб, 61 минг сўм пул инъом этишди. Кўнгилмиз тоғдек қўтарилди. Айтишга ҳам ноқулай, рости мен шу вақтгача шунча пулни қўлимга ушлаб кўрганим йўқ эди. Кечирасиз, гап пулда ҳам эмас...”

Рамазон ҳайити арафасида таҳририятимизга бир аёл кўнгилроқ қилиб, яхши инсонларга миннатдорлигини шу тарзда билдирди. Биз у кишининг қим қилиги билан қизиқдик... Саодат Жумаева олий маълумотли педагог, Тошкент шаҳрининг Чилонзор туманида истиқомат қиларканлар.

Опа билан учрашиб, икки оғиз гурунқ қилиб қайтдик.

— Нега айнан сизнинг хонадонингизга марҳамат қилишди?

— Мана шу сиз кўриб турган 6 қорақўз меннинг болаларим. Уч нафарини болалар уйдан олиб келганман. Лекин улар ўз боламдек азиз.

— Саодат опа, агар саволим бироз ноқулай бўлса кечирасиз. Баъзи одамларга

ўз туққан боласи оғирлик қилаётган бир пайтда яна уч фарзандни ўз бағрингизга олибсиз. Ўзингиз ногирон экансиз, хўжайинингизнинг ҳам соғлиги яхши эмас экан...

— Сингилдоним, сизга қандай тушунтирсам... Етим-есирлар, болалар уйи деган нарсаларга тоби-тоқатим йўқ. Ўзим тирик етим ўсганим учун ҳеч кимнинг

мехр-муҳаббатга зор бўлиб ўсишини истамайман. Биз икки опа-сингилмиз ота-онамиз ёшлигимизда келишолмай бошқа-бошқа уй қилиб кетишган, ҳозир ҳам ҳаётлар, ишқилиб умрлари узок бўлсин, лекин бирор марта йўқлагани йўқ. Синглим руҳий касалликка чалинган эди. Болаларини эри (куевимиз) бизга айтмай болалар уйига бериб юборибди. Эшитиб юрак-бағрим эзилиб кетди. Адаси билан маслаҳатлашиб, минг машаққат, қозғовозликлар билан уйга олиб келдик.

— Энди тинчмисиз?

— Буларни кўряпсиз-ку бири-бирдан ақли, ширин. Бир ота-онанинг боласидай иноқ-тотув. Адамиз ҳам хурсанд. Улардан жуда миннатдорман. Топган-тутганини шуларга сарфлайди.

— Бабирик сизга қийнроқ бўлса керак?

Етти кун

БАЙРАМНИ ТАЛАБАЛАРГА ЧИҚАРГАН

Наврўзи айём кунлари Талабалар шаҳарчаси янада гавжум бўлди. Дошқозонда сумалаклар қайнади, ош тортилди, санъ аторлар ёқимли хонишлар қилишди. Яна талабаларга дорилфунун раҳабарияти томонидан 15-25 минг сўмдан байрамлик улашилди.

ЎЗИНГДАН ЧИҚҚАН БАЛОГА...

Мелисахонага Тошкент шаҳридаги 3-“тез ёрдам” пункти ҳудудида икки “тез ёрдам” машинасида аккумуляторлар ўғирланганлиги ҳақида хабар берилган эди. Изқуварлар дарров ишга киришишди. Ишнинг натижаси шу бўлдики, аккумуляторларни айнан шу пунктнинг ҳайдовчиларидан бири шумо қилган экан.

ЯНА БИР

шундай “шахсий” ўғри Тошкент чинни заводида қўлга олинди. Яна ким деген? Заводнинг мана-ман деган устаси ўзи ишлаб турган жойдан 54 та лаган, 240 та чойнак, 340 та коса ва 820 та пиёлани олиб чиқиб кетаётганда қўлга олинди, деб хабар қилди Тошкент шаҳар ИИБ матбуот хизмати.

ҲАҚ ЙЎЛИ МУБОРАК БЎЛСИН!

Аллоҳ кўнгулга солса ҳеч гап эмас экан: ўрис миллатига мансуб сурхондарёлик икки фуқаро яқинда Исломи динини қабул қилишди. Термиздаги Мурчбобо жомеъ масжидининг имом-хатиби Тошболта ҳожи Чориев ийди рамазон кунинда ана шу хабар билан мусулмон биродарларимизни хурсанд қилди. Исломига кирган биродарларимизнинг бири қирқ уч, иккинчиси йигирма тўрт ешда.

ЙИЛЛАРГА ТАТИГУЛИК БАЙРАМ

Аёллар байрамида рафиқасини ёки энг яқин кишини табриклаш учун совға керакми? Албатта, керак. Аммо ҳамма ҳам совға учун атай Иркутскдан Тошкентга келиши мумкинми? Қаранг, шундай жонфидолар ҳам бор экан. Шимолий вокзал майдонидаги тижорат дўконларидан бирининг шифтини бузиб, 1 миллион 500 минг сўмлик атир-упаларни ўмараётганда иркутсклик “меҳмон” ушланди. Энди меҳмоннинг байрам совғаси икки-уч йилга кечикиб бориши аниқ.

— Очигини айтсам қийин. Лекин мақтаниш эмас-у болаларимдан нолмайман, ақлли. Меҳрибон, меҳнатқаш болалар. Уларнинг қувонганини кўрсам барча чарчоларим тарқаб кетади. Ҳаммаси бичиш-тиқишни билшади. Даладан ер олганмиз, дадаларига ердамлашишади.

— Кийим-бош масаласи қандай?..

— Башанг қийинирмасакда, ювиб-ямаб бириникини иккинчисига етказиб турибман. Шукр, жонлари соғ, устилари бут, қорнилари тўқ. Қанийди ҳар бир оила битадан бўлса ҳам ўша болалар уйдаги меҳр талаб болаларни бағрига олса, ўшанда “болалар уйи”га ҳожат қолмасиди. Мен болалар у ерда ўсишига мутлақо қаршиман. Биласизми, инсонга яшаш учун кўп нарса керак эмас, қорни тўқ, усти бут бўлса бўлди. Агар инсонда хоҳиш, меҳр-оқибат бўлса, ҳозирги шароитда ҳам ўн болани бемаалол боқиб воёга еткази олади.

— Бўш вақтларингиз ҳам бўлиб турадими?

— Алоҳта, бундай пайтлар бичиш-туқиш билан машғул

бўламан. Яна санъатни. Болаларга дарс тайёрлаш, кўмаклашаман. Улар билан қизиққан мавзуларда суҳбатлашиб ўтиришни яхши кўраман. Бири шеър ёзди, бири расм чизди, бири қўйлакчалар тикади. Ҳаммасининг ёзган, чизган, тиккан нарсасини шкафчада сақлайман. Худо хоҳласа катта бўлишиб, болачакали бўлиб кетганларида кўрсатаман деган ниётданман.

— Саодат опа, худое умрингиз узун бўлсин, болаларингизнинг хузур-ҳаловатини кўринг. Яна бир савол: Шу кунларда дилин-ғизда не истак бор?

— Аввало Наврўзи олам ҳаммага бахт-шодлик олиб келсин. Шу айём арафасида эслаб, биз сингари инсонлар дилига қувонч бағишлаган одамларни худо сийласин, суянтирсин. Яна бир истак-тилагим: ҳеч бир ота-она мол-дунга ҳирс қўйиб, зинҳор болаларини безътибор қолдирмасин. Чунки фарзандларга меҳр берсак, меҳр оламиз.

Дилбар РАҲИМ қизи

